

# 卷一百二十七



書名 杜氏通典二百卷 嘉靖十八年西樵方獻夫刊本  
 撰者 唐 杜佑 撰, 明 王德益、吳鵬 同校  
 卷 卷一百二十七  
 內容分類 史 政書 歷代通制  
 索書號 貴重-17  
 編號 B3510400

杜氏通典卷第二十五

職官七

諸卿上 總論諸卿  
 少卿附

奉禮郎 主簿 博士 太祝 兩京郊社署

太樂署 鼓吹署 太醫署 太公廟等署

太卜 廩犧 汾祠 珍羞署

丞 醞 主簿 掌醞署 太官署 武器署 左右都候

丞 守宮署 主簿 武庫署 馬令

丞 諸陵署 主簿 崇玄署 諸牧監 典廩署

丞 典牧署 主簿 乘黃署 諸牧監

司直 丞 評事 監 獄丞

彩色首頁1

東洋文化研究所漢籍目錄 編號: B3510400  
 東洋文化研究所漢籍目錄所藏漢籍善本文影像資料庫 索書號: 貴重-17  
 漢籍善本文影像資料庫文本 杜氏通典二百卷 嘉靖十八年西樵方獻夫刊本  
 版權所有: 東京大學 東洋文化研究所  
 使用上的注意事項

一斛犢九頭赤繩爲籠頭皆付所司

社氏通典卷第一百二十六終

社氏通典卷第一百二十七

禮八十七

嘉六 纂類二十二  
大書開元禮二十二

皇太子納妃臨軒命使 納采 問各 納吉

納徵 告期 告廟冊妃 臨軒醮戒

親迎 同牢 妃朝見 會群臣

皇太子納妃臨軒命使

將行納采制命使者吏部承以戒之前一日尚舍奉  
御設御幄於太極殿北壁下南向衛尉設群官次於  
東西朝堂太樂令展宮懸並如常儀其日典儀設文  
武一品以下五品以上位於橫街之北西面北上朝  
集使五品以上合班六品以下位於橫街南朝集使

六品以下合班蕃客又於其南皆西面北上設武官五品以上位於橫街之北東面北上朝集使五品以上合班諸親位於其南六品以下位於橫街南朝集使六品以下蕃客等又在南皆東面北上設典儀位於殿之東北贊者二人在南少退俱西向設舉麾位於殿上西階之西東面設使者受命位於橫街南道東面西上奉禮設門外位文官一品以下五品以上位於順天門外道東每等異位重行西面武官三品以下位於門西每等異位俱重行東面以北爲上未明二刻諸衛勒所部屯門布黃麾半仗入陳於殿庭如常儀群官依時刻集朝堂俱就次各服朝服侍中量時

刻版奏請中嚴釵戟近仗就陳於閣外太樂令以下帥二人入就位諸侍衛之官各服其器服侍中中書令以下諸侍臣俱詣閣奉迎典儀帥贊者先入就位吏部兵部各贊群官出次典謁各引就門外位侍中版奏外辦皇帝服袞冕出坐如常儀通事舍人引群官以次入就位立定典儀曰再拜贊者承傳群官在位者皆再拜吏部與禮部侍郎贊使主副出典謁引就受命位侍中前承制降詣使者西北東面稱有制使主副俱再拜侍中還侍位典謁引使主副出初使者將出典儀曰再拜贊者承傳群官在位者皆再拜通事舍人引群官出侍中前跪奏稱侍中臣某言禮畢

悅伏興還侍位皇帝降座入自東房侍衛警蹕如來儀侍臣從至閣使主副乘輅備儀仗而行從者乘車以從

### 納采

前一日主人設使者次於大門之外道右南向其日大昕使者公服至於妃氏大門外掌次者延入次凡主及行事者皆公服主人受其禮於廟無廟者受於正寢掌事者布席於室戶內之西莞筵紛純加藻席畫純南向右雕几者出次謁者引立於大門外之西東面主人於大門內西面儻者立於主人之左北面受命出立於門東西面敢請事使者曰奉制伉儷儲官允歸令德率由

舊章使其納采儻者入告主人曰臣某之女不教若如人既蒙制訪臣某不敢辭儻者出告掌畜者以鴈授使副進授使者退復位使者左手執之儻者引主人迎於大門之南北面再拜使者不荅拜謁使者入門而左主人入門而右使者升自西階立於楹間俱南面西上主人升自東階進使者前北面使者曰某奉制納采主人降詣階間北面再拜稽首升進北面受鴈退立於東階上西向使者降自西階以出

### 問名

使者既出立於門外之西東面初使者降左右受鴈於序端主人降立於內門東廂西面儻者進受命出

請事使者曰某將加卜筮奉制問名僮者入告主人  
曰制以某之子備數於儲宮臣某不敢辭僮者出告  
掌畜者以鴈授使副主人拜迎入俱升降南面如納  
采儀使者曰某奉制問名將加諸卜筮主人降詣階  
間北面再拜稽首升進北面受鴈少退仍北面曰臣  
第某女某氏出使者降自西階出立於內門外之西  
東面初使者降主人退於阼階東左右受鴈於序端  
主人降立於內門東廂西面僮者進命出請事使者  
曰禮畢僮者入告主人曰某公爲事故至於某之室  
某有先人之禮請禮從者

其儀與納  
禮賓同

納吉

前一日主人設使者次如常其日大昕使者至妣氏  
大門以下僮者出請事如納采儀使者曰加諸卜筮  
占曰協從制使某也納吉僮者入告主人曰臣某之  
女弗教惟恐不堪龜筮云吉臣某謹奉典制僮者出  
告掌畜者以鴈授使副主人迎拜入俱升堂南面並  
如納采儀主人降詣階間北面再拜稽首升進北面  
受鴈使者降自西階立於大門外之西東面初使者  
降主人還阼階東左右受鴈於序端主人降立於內  
門西面僮者進受命出請事使者曰禮畢其僮使者  
皆如問名之儀

納徵

前一日主人設使者次如常儀其日大昕使者至妃氏大門外掌次者延入次執事者設布幕於內門之外玄纁束帛陳於幕上乘馬陳於幕南北首西上執事者奉穀珪以匱俟於幕東西面主人掌事者設几筵如常使者出次謁者引立於大門外之西東面主人立於大門內西面償者進受命出請事使者曰制使某以玉帛乘馬納徵償者入告主人曰奉制賜臣重禮臣某祗奉典制償者出告又償者引主人迎於門外之南北面再拜使者不荅拜謁者引使者入門而左主人入門而右至於內門外使者立於門西東面北上主人立於門東西面執事者坐啓匱取珪於

玄纁上興以受使副使副進授使者退復位使者受玉帛謁者引使者入門而左主人入門而右牽乘馬從入三分庭一在南首西上使者升自西階立於楹間俱南面西上主人升自東階進使者前北面使者曰某奉制納徵主人降階間北面再拜稽首升進北面受玉帛使者降自西階出立於內門外之西東面初使者降主人還阼階東左右受玉帛受馬自左受之以東牽馬者既受馬自前西出償者進受命出請事使者曰禮畢其償使者如納吉儀

告期

前一日主人設次設几筵及償者受命請事等並如

納采使者曰詢於龜筮某月某日吉制使某告期其授鴈升堂受命之儀一如納采使者曰某奉制告期主人降詣階間北面再拜以下禮畢如納采儻從使者如納徵儀

告廟

有司以特牲告如常禮祝文臨時撰

冊妃

前一日主人設使者次如常設宮人次於使者西南俱東面障以行幃其日奉禮設使者位於大門外之西東向使副及內侍衛於使者之南舉冊案及璽綬命服者在南差退俱東向設主人位於門南北面設

使者以下及主人位於內門外皆如之設典內位於內門外主人南西面設宮人位於門外於使者之後俱重行東向以北爲上障以行幃設替者二人位於東階東南西向典內先置一案於閣外近限使主副朝服乘輅持節備儀仗鼓吹備而不作至妃氏大門外使者降輅掌次者延入次宮人等各之次掌巖奉禴翟衣及首飭內廐尉進厭翟車於大門之外道西東向以北爲上諸衛帥其屬布妃儀仗如常使者出次典謁引使者以下持節者前導及宮人典內各就位持節者立於使者之北少退俱東向主人朝服出迎於大門外之東西面立定少頃南北面再拜使者不荅

拜典謁引使者持節者前導入門而左持案以下從  
之主人入門而右至內門外各就位立定奉冊寶案  
者進當使副前使副受冊寶奉案者退復位使副以  
冊寶進授使者退復位內侍進使者前西面受冊寶  
東面授典內退復位典內持冊寶入立於閣外之西  
東面跪置冊寶於按典內僥伏興奉衣服及侍衛者  
從入皆立於典內之南俱東面北上傳姆替妃出引  
立於庭中北面掌書進跪取玉寶興進立於妃前南  
向掌歲奉首飾及綸程與諸宮侍衛者次入侍衛如  
常典內還復位司則前替妃再拜還侍位妃再拜司  
則進掌書前北面受冊寶進妃前南向授妃妃受命

以授司閨司則又前替妃再拜還侍位妃又再拜訖  
司則前請妃升座還侍位司閨引妃升座南向坐宮  
官以下俱降立於庭重行北向以西爲上立定贊唱  
者曰再拜宮官以下皆再拜訖諸應侍衛者各升立  
於侍位司則前啓禮畢妃降座司閨引妃入室主人  
儼使者如禮賓之儀使者乘輅而還

### 臨軒醮戒

前二日本司宣攝內外各供其職前一日衛尉設次  
於東朝堂之北西向又設宮官次於重明門外如常  
儀其日前三刻宮官俱集於次各至次皆服其服諸  
衛各勒所部依圖陳設左庶子贊請中嚴內僕進金



輅於閣外南向率一人執刀立於輅前北向前二刻諸衛之官各服其器服以次詣閣奉迎左庶子負宮官應從者各出次立於門外文東武西重行相向北上左庶子奏外辦太僕奮衣而升執轡皇太子著袞冕之服以出左右侍衛如常儀皇太子乃升僕立授綬車驅左庶子以下夾侍如常出門車權停令車右升輅陪乘宮臣上馬訖皇太子車動鼓吹振作如式文武官皆乘馬如常至承天門下車所迴輅南向左庶子進當輅跪奏稱左庶子臣某言請降輅俛伏興還侍位皇太子降輅典謁引舍人舍人引皇太子就位侍衛如常儀前一日尚舍奉御整設御座於太極殿

階上西向衛尉設群官次於朝堂太樂令展宮懸於殿庭乘黃令陳車輅並如常儀其日尚舍直長鋪

皇太子席位於牖間南向其莞筵紛純加席藻席績純尚食奉御

設酒罇於東序下有坵加勺設幕寶爵一又陳籩脯

一豆醢一在罇西脯前三刻典儀設群官版位於內

奉禮設版位於外如朝禮諸衛勒所部屯門布仗立

仗入陳於殿庭群官依時刻集朝堂俱就次各服其

服其侍中版奏請中嚴釵戟近仗就陳於閣外太樂

令即工人入就位脯前三刻諸衛侍之官各服其器

服侍中中書令以下俱詣閣奉迎典儀帥贊者先入

就位吏部兵部贊群官俱出次通事舍人各引就門

外位侍中版奏外辦皇帝服通天冠絳紗袍乘輿以  
出曲直華蓋警蹕侍衛如常儀皇帝將出仗動皇帝  
出西房即御座西向坐符寶郎奉寶置於御座如常  
通事舍人引群官以次入就位群官立定典儀曰再  
拜贊者承傳群官在位者皆再拜初群官入訖典謁  
引舍人舍人引皇太子侍從如常式皇太子每至懸  
行事左庶子執儀贊相南北面立典儀曰再拜贊者承傳皇太子再拜典儀  
引舍人舍人引皇太子詣西階皇太子脫舄舍人引  
升就席西南面立尚食奉御酌酒於序進詣皇太子西  
南東面立皇太子再拜受爵尚食直長又薦脯醢於  
前皇太子升薦坐左執爵又取脯糒於醢祭於邊

豆之間右祭酒興降席西南面坐啐酒直長再拜執  
爵興奉御受虛爵直長徹薦還於房舍人引皇太子  
進當御座東面立皇帝命之曰往迎爾相承我宗事  
勗帥以敬皇太子曰臣謹奉制旨遂再拜舍人引皇  
太子降自西階納舄訖典謁引舍人舍人引皇太子  
出門典儀曰再拜贊者承傳群官在位者皆再拜通  
事舍人引群官以次出侍中前跪奏稱侍中臣某言  
禮畢佻伏興還侍位皇帝降座入自東房警蹕侍衛  
如來儀侍臣從至閣

親迎

前一日衛尉設皇太子次於妃氏大門之外道西南

向設侍衛群官次於皇太子次西南東向北上皇太子既受命遂適妃第執燭馬前鼓吹振作如式侍從如常皇太子車至妃氏大門外次前迴輅南向左庶子進當輅前跪奏稱左庶子臣某言請降輅俛伏興還侍位皇太子降輅之次車將至主人設几筵如常醴女如別儀妃服褕翟花釵立於東房侍從如常主婦衣禮衣鈿釵立於房戶外之西南向主人公服出立於大門之內西面在廟則主人以下著祭服儂者公服立於主人之左北向左庶子前跪奏稱左庶子臣某言請就位俛伏興還侍位皇太子出次立於門西東面侍衛警蹕如常儂者進受命出門東西面曰敢請左庶子



承傳進跪奏如常皇太子曰以茲初婚某奉制承命左庶子俛伏興傳於儂者入告主人曰某謹敬具少頃儂者出傳於左庶子奏如初儂者引主人迎於門外之東西面再拜左庶子前跪奏稱左庶子臣某言請荅拜俛伏興還侍位皇太子荅拜主人揖皇太子先入掌畜者以鴈授左庶子進東南向奉授皇太子既執鴈進入侍衛者量於侍從及內門主人讓曰請皇太子入皇太子曰某不敢先主人又曰固請皇太子入皇太子曰某固不敢先主人揖入皇太子從入皇太子入門而左主人入門而右內門主人揖入內雷將曲揖當階揖皇太子皆報揖至於階主人曰請皇

太子升皇太子曰某敢辭主人曰固請皇太子升皇太子曰某敢固辭主人又曰終請皇太子升皇太子又曰某敢終辭主人揖皇太子報揖主人升立於阼階上西面皇太子升進當房戶前北面跪奠鴈俛伏興再拜降出主人不降送內廡尉進厭翟於內外傳姆導妃司則前引出於姆左傳姆在左執燭侍從如式父少進西面戒之必有正焉若衣若花命之曰戒之敬之夙夜無違命毋戒之西階上施衿結帨命之曰勉之敬之夙夜無違命庶毋及門內施鞶申之以父母之命命之曰敬恭聽宗爾父母之言夙夜無愆視諸衿結妃既出內門至輅後皇太子受綬姆辭不受曰未教

不足與爲禮妃升輅乘以几姆加幃皇太子馭輪三周馭者代之皇太子出大門乘輅還宮侍衛如來儀妃侍次於後主人使其屬送妃以儉從

同牢

其日司閨設妃次於東閣內道東南向掌筵鋪褥席將席司閨設皇太子幄於內殿室西廂東向鋪地重裯施屏障設同牢之席於室內皇太子席西廂東向妃東廂西向席者莞筵紛純加藻席績純席間量容牢饌典膳監設洗於東階東南東西當東霽南北以堂深壘水在洗東篚在洗西南肆篚實以二爵設妃洗在東房筵北壘水在洗西篚在洗東北肆皆加勺巾幕典膳監先

設饌於房西牖下籩豆各二十簋簋各二鉶各三瓦  
 甒一皆如巾幕蓋俎三罇在室內北牖下玄酒在西  
 加幕勺南柄幕夏用紗冬用絳罇在房戶外之東無玄酒甒在  
 南實四爵合其器皆為漆惟甒以陶皇太子車至侍臣下  
 馬所車權停文武侍臣皆下馬車左降立於輅右車  
 動右夾輅而趨車至左閣迴輅南向左庶子進當輅  
 前跪奏稱左庶子臣某言請降輅俛伏興還侍位皇  
 太子降輅入俟於內殿門外之東西面侍衛如常儀  
 庶子以下皆退妃至宮門鹵簿仗衛停於門外近侍  
 者從如常入至左閣外迴輅南向司則進當輅前啓  
 請妃降輅掌筵依式執扇前後執燭如常儀妃降輅

就次整飭司閨引妃詣內殿門西東面皇太子揖妃  
 以入司閨前升自西階妃後升執扇燭者陳於東西  
 階內皇太子即席東向立妃即席西向立司饌進詣  
 閣北面跪奏稱司饌妾姓言請具牢饌與司則承令  
 曰諾司饌帥其屬升奉饌入設於皇太子及妃座前  
 醬在席前俎醢在其北俎三入陳於豆東豕俎特於  
 俎北豆俎醢在承東司饌設黍于醬東稷在東設湑于醬南  
 饌在設對醬于東也對醬婦之醬也設當持俎菹醢在其南北上設  
 黍于豕俎北其西稷稻梁設湑于醬北司饌啓會郤  
 于簋簋之南對簋簋于北啓發也豆蓋敵於房內各加七箸於設  
 訖司饌北面跪奏饌具與皇太子及妃俱座司饌跪

通典卷三十七  
取脯糯於醢取韭俎搗醢授皇太子又司饌取脯糯於醢取韭菹搗醢授妃皇太子及妃俱受祭於籩豆之間司饌與取黍實於左手徧取黍及於右手授皇太子及司饌取黍實於左手徧取稷及於右手授妃皇太子及妃各受祭於俎醢之間司饌俱與各立取肺皆絕末跪授皇太子及妃俱受祭於俎醢之間司饌俱以肺加於俎掌嚴授皇太子巾又掌嚴授妃巾皇太子及妃俱悅手以柶極上鉶徧搗之祭於上豆之間司饌品嘗皇太子饌又司饌品嘗妃饌司饌各移黍置於席上以次跪授肺春皇太子及妃皆食以涪醬二飯卒食司饌北面跪奏稱司饌妾姓言請進

酒司則承令曰依奏興司饌二人俱盥手洗爵於房入室詣酒罇所酌酒進北面立皇太子及妃俱再拜興一人進授爵皇太子一人以爵授妃皇太子及妃俱受爵司饌俱退北面答再拜皇太子及妃俱坐皇太子及妃俱祭酒司饌各以肝從司則俱進受虛爵奠於篚司饌又俱洗爵酌酒再醑皇太子及妃俱受爵俱飲司則進受虛爵奠於篚三醑用卮如禮再拜皇太子及妃立於席後司則降東階洗爵升酌於戶外罇進北面俱奠爵興再拜皇太子及妃俱答拜司則俱坐取爵祭酒遂飲卒爵奠爵遂拜執爵興降奠爵於篚還侍位司饌北面奏稱司饌妾姓言畢

司則承令曰諾司饌徹饌設於房司則前跪奏稱司則妾姓言請殿下入俛伏興還侍位皇太子入於東房釋冕服着袴褶司則啓妃入帷幄皇太子及妃俱入室膳餼皇太子之饌御餼妃之饌

妃朝見

其日晝漏上水一刻所司列御座於所御殿阼階上

西面其席莞筵紛紕加藻席畫司設設皇后座於室

戶外之西近北南向尚食師之司膳設酒罇於房內

東壁下有坳加勺幕樽用瓦紀實以醴酒籩一豆一實以脯醢

設於罇北又設洗於東房近北壘水在洗西篚在東

北肆篚實以中幕一解一角相一其日夙興妃沐浴司則啓請妃內

嚴質明諸衛帥其屬陳布儀仗如常儀近仗入陳於

寢門外內既尉進厭翟於正寢西階前南向司則啓

外辨妃服褕翟加首飾以出降自西階升輅侍衛如

常至降車所司則贊妃降輅司言引妃入仗衛停於

閣外障扇侍從如常妃至寢門之外立於西廂東面

諸衛勒所部屯門布仗三仗入陳於所御殿閣外如

常侍中奏請皇后內嚴妃既至寢門侍中版奏外辨

皇帝服通天冠絳紗袍以出升自阼階即御座西向

坐侍衛如常儀尚儀又奏皇后外辨皇后褱衣首飾

司言引尚宮尚宮引皇后出即御座南向坐侍從如

常妃奉筭棗栗司饌又執奉筭暇修以從司則引妃



入立於庭北再拜司賓引妃升自西階進東面跪奠  
笄於御座前皇帝撫之尚食進徹以東司言引妃自  
西階降復北面位奉笄暇脩再拜司言引妃升進北  
面跪奠笄於皇后座前皇后撫之尚食進徹以東司  
言引妃退立於西位東面又再拜司設設妃席於戶  
牖之間近北面南向司言引妃立於席西南向尚食  
又入東房盥手洗解酌醴齊加柶面柄出進詣妃席  
前北向立妃進東面再拜受醴尚食薦脯醢於席妃  
升席坐左執觶右取脯搗於醢祭於籩豆之間以柶  
祭醴三始極一祭又極再祭降席進東面跪取觶興  
卽席坐奠觶於薦東興降席司賓引妃降自西階出

閣乘車還宮障扇侍從如來儀

會群臣

皇帝會群臣於太極殿如正至之儀唯上壽辭云皇  
太子嘉聘禮成克崇景福臣某等不勝慶忭謹上千  
秋萬歲壽

杜氏通典卷第一百二十七

終